

FILED

MAY 08 2019

ASST. CLERK OF COURTS
REPUBLIC OF THE MARSHALL ISLANDS

IN THE TRADITIONAL RIGHTS COURT
OF THE
REPUBLIC OF THE MARSHALL ISLANDS

Andrew Langdrik,)
Kitien Langdrik, and Eli Sam)
)
)
Plaintiffs)
)
V.)
)
Catherine Neimat Reimers,)
Indies Trader Marine Adventure)
Inc., and John does 1-20)
)
Defendants)
)
_____)

CIVIL ACTION NO. 2017-022

UAAK IM MELELE EO AN
COURT EO AN MANIT (TRC)

RO UAAN PANEL EO: Walter K. Elbon
Presiding Judge, TRC

Nixon David
Associate Judge, TRC

Risi Graham
Pro-Tem Associate Judge, TRC

JIKIN RONJAKE EO: Majuro Courthouse

RAAN IN RONJAKE KO: March 12, 13, 14 and 18, 2019

IAKWELEL KO IKOTAAN PARTY KO:

Dri Abnono ro rej ba bwe Beran Island, Ailinglaplap ejjab mo. Rej ba bwe kar

maron eo jinointata iroj ear lelok non Langidrik ej ilo Jitto en. Dri Jumae Abnono ro rej ba bwe Beran Island ilo Ailinglaplap ej Mo an iroj. Rej ba bwe kar eindrein maantak jen kar iien ko an Irojlaplap Laelan Kabua im tok nan iroj ro rej bok jikin rainin.

KAJJITOK KO KAR LITOK NAN PANEL EO BWE EN UAAKI:

1. Beran Island, Ailinglaplap Atoll, ej ke Mo?
2. Juon Iroj make emaron ke lease kin juon Mo?
3. Andrew Langidrik ej ke kabjor maron in alap ilo jabrewot mottan ko ilo Beran Island? Elane ej, tu ia?
4. Kitien Langidrik ej ke kabjor maron in Senior Dri Jerbal ilo Beran Island, Ailinglaplap Atoll? Elane ej, tu ia?

UAAK NAN KAJJITOK KO:

1. Beran Island, Ailinglaplap ej Mo Land
2. Emaron ne ej juon Mo Land
3. Ejjab
4. Ejjab

MELELE KO IM UAAK KEIN REJ BEDBED IOER:

Ilo kar iien ronjake eo an case in, ear wor naan in kamol ko im pepa in kamool ko kar jaki maantak nan panel eo bwe en ronjaki im buki einwot kein kamol. Elkin kar ronjaki naan in kamol ko im etali pepa in kamool ko, panel eo ej kile bwe Beran Island, Ailinglaplap Atoll ej mo an iroj ro ilo mojen eo an

Laelan Kabua. Menmenbwij eo an Dri Jumaë Abnono Exhibit D-10 im kar boke einwot kein kamol ear alikar bwe ejjab an Beran Island ak ej an Jabat Island. Dri Abnono ro rej ba bwe maron eo ear etal nan Langidrik ikkijen imon aje. Rej ba bwe Jitto en ej imon katlep im ear jab alikar imon aje im katlep jen won. Ear bar walok melele in ke ear wor ro me rar alap im dri jermal ilo Beran Island ak konke rar jab karreoiki im kejbaroki mona ko kijen irojij ie, kar komakit er jene.

Irojijlaplap Laelan Kabua ear komakiti er jen Beran Island. Menin ej kalikar bwe aolep maron ko raar bar jeblaak non irojij eo, Laelan Kabua. Ear bar wor melele ko ilo iien ronjake eo bwe armej in Jabat Island rokonan ilok nan Ailinglaplap ilo iien Christmas im iien ko jet rollap. Kin an konan nana lojet ilo tore kein armej rein jen Jabat rar aikuij kijeir mona ilo aer kottar an emman lojet nan rool nan Jabat Island. Irojij Laelan Kabua ear kotlok Beran bwe en jikin aer komman kijeir mona ilo tore kein ej nana lojet nan aer jeblaak nan Jabat Island. Menin ej kalikar bwe romaron etal nan Beran im kakijen im lale im kojbaroke einwot jikin mona an irojij.

KEDI MANIT IBBEN MELELE KO REMOOL:

Irojijlaplap Laelan Kabua im Kabua Kabua rar jab likiti ilo kalimur ilo jeje bwe Beran ej imon aje ak katlep nan Dri Abnono ro. Eli Sam juon iaan rikamol ro an Dri Abnono ear ba bwe Jitto En ilo Beran Island ej imon aje nan Langidrik ak ejjab jela won eo ear ajelok nane. Bilton Sam eo me ear bar kamol nan Dri Abnono ear ba bwe juon emmaan etan Jorju ekar alap nan Beran ak konke ear jab rakiji im kojbaroki mona ko kijen irojij kar bok maron eo jen e. Aolep maron ko rar ber ibben irojijlaplap Laelan Kabua.

Tijen Dick eo im ear bar kamool nan Dri Abnono ear kamool im ba bwe elane irojlaplap eo enaj komakiti armej ro jen juon jikin, ene ak weto, iroj eo emaron komman bwe jikin eo en an iroj mo.

Alvin Jacklick, eo ear kamool nan Dri Jumae Abnono ro, ear ba ilo naan in kamool ko an bwe iroj eo emaron likit jabrewot armej ilo mo eo an bwe ren lale im karreoiki im kojbaroke. Ijowotke wot ke emaron bar komakiti er jabrewot iien mene ejjelok ruweior ak ejjelok bwir raar kommane. Ear ba ej eindrein konke mo ej an iroj eo wot pepe. Ear bar ba bwe ejela kin Beran Island konke alap ro an elane rej ejerakrok rej bojtrak lok ilo Beran Island im kakijen.

Heinkey Lomwe eo ear bar kamool nan Dri Jumae Abnono ro ear kwalok bwe emelele kin Beran Island. Ear kwalok bwe jen ke ear dik mae iien ear jonoul jiljino an iio ear ber ilo Beran Island. Etan ej bar walok ilo menmenbwij eo me ej Defendant Exhibit D-10. Ear ba bwe Beran Island ej mo an iroj. Ear bar ba bwe ewor wod ko iaarin Beran im rej wod in ko-mona an iroj ro ilo Beran Island. Im armej ro kar likiti er ilo Beran Island ej bwe ren kar kojbaroki wod kein im keen ekkan ko ilo Beran Island nan iroj ro. Ear bar ba bwe rar kojbal wot at kein einwotk, Jittoen, Iolapen im Jittaken. Jen aolep kein kamol ko im nan kamol ko ej alikar ibben TRC Panel eo bwe Beran Island ej mo.

DRI KAMOOOL AN DRI ABNONO:

1. Eli Sam
2. Bilton Sam
3. Alexander Langidrik
4. Tijen Dick

DRI KAMOOOL AN DRI JUMAE ABNONO:

1. Heinkey Lomwe
2. Lanny Kabua
3. Jamurnlok Kabua
4. Tommy Watak
5. Alvin Jacklick

DRI KAMOOOL AN INDIES TRADER:

Ejjelok

KEIN KAMOOOL AN DRI ABNONO:

1. Ailanglaplap Land Document
2. Land Tenure, J.A. Tobin
3. Order of Recusal

KEIN KAMOOOL AN DRI JUMAE ABNONO:

1. LRA Application
2. LRA Kojjela kin bwirij nan register
3. LRA Objection to Application
4. Declaration of Traditional Rights, Berang Island
5. Beran Island Report
6. MIJ News
7. Leta jen Morry Samson
8. Kemelele jen Morry Samson
9. Tobin Land Tenure
10. Menmenbwij

KEIN KAMOOOL AN INDIES TRADER:

1. Indies -1, Etan Irojij, Alap, Ri-Jerbal im Melele

WAWEIN KO JET PANEL IN EJ LOI BWE AIKUJ KONONO KAKI:

Ear jab lukkun alikar melele ko kar jaki mantak ilo iien ronjake eo im bareinwot ilo pepa in kamool ko kin wawein kar katlep ak ajelok Beran Island nan Dri Abnono ro. Juon bwirij ak weto ak ene enaj jerbal wot menmenbwij eo nan kalikar ro ekkar bwe ren kabjor maron ko. Menmenbwij eo me kar bokmantak im panel eo ear boke einwot kein kamol ej kwalok bwe ro me rej claim e Beran Island rej jen Jabat Island.


Date/Raan: *May 8, 2019*



Walter K. Elbon
Presiding Judge, TRC



Nixon David
Assosiate Judge, TRC



Risi Graham
Pro-Tem Associate Judge, TRC